

**Protocol da la sezziada dal Cussagl cumünal da lündeschdi,
27 avrigl 2009, a las 20.00, acta 15**

Preschaints: Jon Carl Rauch; Chasper Alexander Felix,
Marianne Werro-Lehmann, Jachen Andri Schmidt e
Georg Salomon
Rico Zini (protocol)

Tractandas 120 - 123: Mario Riatsch, silvicultur

Tractandas:

120. Orientaziun - Parc da suas Sur En

Parc suas Sur En

Sar Mario Riatsch orientescha al Cussagl cumünal sur dal proget dal parc da suas a Sur En. Id es gnü fuondà üna società cul nom Seilpark Engadin GmbH ingio ch'el es eir partenari. Quista società impiegarà 7 collavuratur. La fasa principala ingio ch'el lavurarà pel parc sarà dürant la fabrica aint illas prosmas 2 – 3 eivnas. Las gruppas vegnan manadas da persunas da Sent chi han fat la scolaziun correspudenta.

Il Cussagl cumünal ingrazcha a Mario per las spiegaziuns e surtuot eir per l'iniziativa da fabricar sü üna tala sporta turistica, insembel cun 2 partenaris, sün basa privata.

121. Eivnas da Sur En “Art, energia e movimaint”

Eivnas da Sur En

Il silvicultur orientescha in detagl sur dal proget “Art, energia e movimaint” (Eivnas da Sur En). Sport vegnan quist on las seguaintas attracziuns:

- Visita Ouvras Electricas a Pradella
- Spassegiada cul trotinet
- Parc da suas
- Simposi da sculpturs
-

Il rendaquint per las eivnas da god dal 2008 muossa sü ün deficit da fr. 1'332.20. Quist resultat es cuntantaivel, eir grazcha a bler agüd sainza indemnizaziuns.

Il cumün vaiva pel 2008 pajà ün aquint da fr. 10'000.-- per la garanzia da deficit (fr. 20'000.--). Il Cussagl cumünal decida da surtour la chaltschina na amo vendüda il import da fr. fr. 3'500.--. Ushè chi da il seguaint scumpart da cuosts:

Aquint	fr. 10'000.--
./. Chaltschina	fr. 3'500.--
./. Deficit	<u>fr. 1'332.20</u>

Dabun pel cumün	fr. 5'167.80
	=====

Pel proget da l'on 2009 vain fat bun üna garanzia da defizit da fr. 5'000.--.

122. Via da basa forestala Sur En vest

Via da basa Sur En

Cullas strasoras dal 2003 d'eira la punt a Sur En sur la Val Uina gnüda desdrütta cumplettamaing. Uossa es avantman be ün provisorio. Per evitar in avegnir privels e dons d'eiran gnüdas elavuradas plüssas variantas pussiblas per passar la val (eir cun camiuns).

Il Cussagl cumünal decida da perseguitar la varianta A1: Q.v.d. il trassè da la via intuorn Sur En, e sur l'aua daja ün passagi (Furt). Il trassè da la via chi vain eretta sülla parcella cumünala ha amo da gnir adattà tenor il giavüsch dal Cussagl cumünal.

Dal Chantun (Uffizi da god) as poja far quint cun subvenziuns da ca. 70 % pel proget. La surdatta pel preproget segua tenor la proposta dal Uffizi da god plü tard.

124. Protocol

Il Cussagl cumünal approva il protocol da la sezzüda dals 20 avrigl 2009, acta 14.

Protocol

125. Orientaziuns

1. Marchà a Therwil

Marianne Werro orientescha sur dal marchà da Therwil ch'id es stat satisfacent eir pels partecipants da Sent.

Quist on vain darcheu il cussagl da Therwil a visitar Sent. Il Cussagl cumünal prouva là da spordscher ün program varià ed interessant.

Orientaziuns

126. Lavuratori cumünal a Palüzot – Permiss da fabrica

Il schef da fabrica prelegia las posiziuns davart dal cumün a regard las duos protestas entradas cunter il fabricat a Palüzot. Il Cussagl cumünal decida da far bun las propostas dal jurist cumünal da fabrica per quai chi pertocca ils recuors e da dar il permiss da fabrica cun las seguaintas cundiziuns:

1. Tenor la dumonda e'ls plans fats buns ed acclus al permiss da fabrica.
2. Las prescripziuns da la pulizia da fö sun impegnativas.
3. Il Cumün inchascha seguaintas taxas tenor il reglamaint da taxas e sia agiunta:

- taxa da trattamaint:	fr. 1'400.--	(scumpart intern)		
- attach electric, prov. 1% (excl. IPV)	fr. 14'000.--		“	“
- attach d'aua, prov. 1.5%	fr. 21'000.--		“	“
- attach chanalisaziun 2% (excl. IPV)	fr. 28'000.--		“	“

Permiss da fabrica,
lavoratori cumünal a
Palüzot

127. Sanaziun trafo Schigliana e lingia da colliaziun cul trafo da Bös-ch Grond Credit da fr. 160'000.--

Il schef d'energia orientescha cha quista lavur es previssa sco prosma etappa d'investiuns per la rait electrica in cumün.

L'import previss da fr. 160'000.-- es integrà aint il preventiv d'investiziuns pel 2009.

Il Cussagl cumünal decida da far bun quist proget per til manar avant radunanza.

Trafo Schigliana

128. Varia

1. Perscrutaziuns archeologicas illa regiun da la chadaina dal Silvretta

L'Università da Turich dumonda per ün sustegn da fr. 1'000.-- per ün proget archeologic in Engiadina Bassa. Tanter oter eir in vista cha plü tard pudessa dar landeroura ün nüz turistic pel cumün da Sent, decida il Cussagl cumünal da cuntribuir l'import dumandà.

2. Grond Bal Ladin

L'Uniun dal Grischs organisescha aint in Sinestra, als 7 november 2009, il “Grond Bal Ladin”. Giuvens artists e giuvnas artistas da la regiun ladina ed eir artists arrivads inrichan la saira illas spartas da musica (concerts), teater ed exposiziuns.

Il Cussagl cumünal decida da sustegner l'intent cul import dumandà da fr. 1'000.--.

Varia